

皇極經世

卷一
五十二册

皇極經世緒言卷之八上

宋邵康節先生著

西昌劉斯組斗田氏述

觀物外篇下

以元經會大小運數第七

元有二。有生天地之始者。太極也。有萬物之中各有始者。生之本也。

元始也。會運世皆始於元。元則有二。從生天地之始而言。大哉乾元。至哉坤元。其始也。乾由復始。而天陽以生。坤應以姤。而地陰以生。是其爲天根月

窟蓋太極之所寓也。元其在坤震之間乎。一從有萬物之中。各有所始而言。如月令蟄虫始震。桃桐始華。與始鳴。始蟄。始肅。始收。始冰。始凍。始交。始巢之類。其於八卦爻象物宜。言元言始者。不一而足。蓋從天地大元中。而萬物各分之爲元。於萬物資始中。而剛柔互交之以元爲始。是卽物物各函太極。以爲生之本者是也。粵洲謂生之本在日。日者乾也。日離水則不生。坤爲水也。圖下復頤屯益爲走飛草木之始。圖右巽井蠱升爲木草飛走之始。

吳爲右。自水至石。各有始。必以乾爲元。生之本在日耳。此說亦可合訂。

天自臨以上。地自師以上。運數也。天自同人以下。地自遯以下。年數也。運數則在天者也。年數則在地者也。天自賁以上。地自艮以上。用數也。天自明夷以下。地自否以下。交數也。天自震以上。地自晉以上。有數也。天自益以下。地自豫以下。無數也。天地之交十之三。

直以左右界。分左天右地。橫以上下截。分上天下

地。此左右上下平分定數也。左臨右師以上爲運數。凡三百六十年。卽九百四十兆以下之數也。臨上十六卦爲天中天。師上十六卦爲地中天。皆上截。故謂之在天。左同人右遯以下爲年數。凡三百六十日。卽二萬八千二百一十一兆以下之數也。同人以下十六卦爲天中地。遯以下十六卦爲地中地。皆下截。故謂之在地。其卦變則四卦各初爻互變而成。臨變師。師變臨。同人變遯。遯變同人。是也有用數焉。明動用事之數也。左賁右艮以上各

二十三卦。開物以後。閉物以前。寅半至戌半是也。有交數焉。明晦交接之數也。左明夷。右否。以下各十八卦。而退謙一卦。開物以後。閉物以前。戌半至寅半是也。有有數焉。左震。右晉。以上以乾主之。皆屬於有。開物以漸之數也。應五十六卦。而縮一位。故止於晉。有無數焉。左益。右豫。以下以坤主之。皆屬於無。閉物已極之數也。應止八卦。而贏一位。故及於豫。凡此進退一位之數。皆從乎天地之交。十之三而然也。天地用數。各占十之七。故其交數。惟

十之三。六十四卦除四正卦。每十得三。應數十八。退謙一卦。而以否交。謙受用之餘。否入交之深也。其無數。惟交之半。凡九卦進觀而豫。則有以晉而極。無以豫而見矣。總之六十四卦。天得四十六。爲用地得一十八。爲與天交。以日則晝七夜三。以歲則三時七而一時三也。

乾爲一。乾之五爻。分而爲大有。以當三百六十之數也。乾之四爻。分而爲小畜。以當十二萬九千六百之數也。乾之三爻。分而爲履。以當一百六十七億九千

六百一十六萬之數也。乾之二爻分而爲同人。以當二萬八千二百一十一兆九百九十萬七千四百五十六億之數也。乾之初爻分而爲姤。以當七稜九千五百八十六萬六千一百一十垓九千九百四十六萬四千八百八十四百三十九萬一千九百三十六兆之數也。是謂分數也。分大爲小。皆自上而下。故以陽數當之。

乾陽數從一而分。自上至下。分大而小。故乾之爲數一也。一統乎不一而爲一者也。層而分焉。五爻

分爲大有。當三百六十數。乾策三十六。一而十之。則三百六十數也。四爻分爲小畜。當十二萬九千六百數。則三百六十其三百六十也。三爻分而爲履。當一百六十七億九千六百一十六萬數。則十二萬九千六百其十二萬九千六百也。二爻分而爲同人。當二萬八千二百一十一兆九百九十萬七千四百五十六億數。又倍其一百六十七億九千六百一十六萬也。初爻分而爲姤。當七稊九千五百八十六萬六千一百一十垓九千九百四十

六萬四千八百三十九萬一千九百三十六兆。數視二爻同人全數。又加一倍。已上大有時數。小畜日數。履月數。同人年數。姤數則去初以交者也。存之見直氣六變乃周。是皆分數分之愈小而愈繁。大要初倍二。二倍三。三倍四。四倍五。總於五倍上。本卦之數重而乘之。以爲根耳。故乾一凡三十六起數之根。而分之爻爻加一倍。倍倍同一根也。以乾例坤。乾一則坤二。自上分下。五比四。豫三謙二。師初復。猶之乾也。自陰之長言。則以位。

次一生二爲剝。至十六生三十二。又爲姤。不言及地。統於天。陽尊而神也。此以陽數當之者也。

一生二爲夬。當十二之數也。二生四爲大壯。當四千三百二十之數也。四生八爲泰。當五億五千九百八十七萬二千之數也。八生十六爲臨。當九百四十兆三千六百九十九萬六千九百一十五億二千萬之數也。十六生三十二爲復。當二千六百五十二萬八千八百七十垓三千六百六十四萬八千八百京二千九百四十七萬九千七百三十一兆二千萬億之

數也。三十二生六十四爲坤。當無極之數也。是謂長數也。長小爲大。皆自下而上。故以陰數當之。

乾日數起於一。統一元也。兌月數起於十二。主十二會也。乾一生兌二爲夬。故當十二數。其卦則乾之上爻變陰爲二也。三則離爲星。數主三百六十。運次有當之。已列分數中。其四則震爲辰。數主四千三百二十。世是爲大壯之數。大壯卦變於夬。則二生四。乾之上五爻變二陰也。由是衍之。小畜主十二萬九千六百年數。需主一百五十五萬五千。

二百月數。大畜主四千六百六十五萬六千日數。乃至於泰。其卦變又下於大壯。四乃生八。當五億五千九百八十七萬二千之數。蓋卽一元十二會三百六十運。四千三百二十世中。年月日所遍積增長之時數也。已上起乾至泰。於乾一位八卦之數。統具於是。第就夬大壯泰遍變而下者言之。乾之上卦變也。下而變臨。則八生十六。當九百四十兆三千六百九十九萬六千九百一十五億二千萬數。又皆併履以下諸卦遍積之數於臨也。又下

而變復則十六生三十二。當二千六百五十二萬八千八百七十垓三千六百六十四萬八千八百京二千九百四十七萬九千七百三十一兆二千萬億之數。通同人以下十六卦之積數。而歸併於乾之初變爻也。至三十二生六十四爲坤。則當無極之數。有極者從乾以分之。乃爲分數。愈分而愈小。無極者從坤以長之。乃爲長數。愈長而愈大。分則自上而下。長則自下而上。乾之分自夬至姤。坤之長自姤至夬。凡視六爻之變而上下推之。其曰

夫爲十二。則自大壯至坤。皆以十二層積。而自坤加長。層上一層。其所變亦可例通。在大有本日數。向以時數當之。大壯本時數。今以日數當之。故泰爲時數。臨爲運數。循次以及而大小不齊。悉可按已。蓋坤無之數。陰也。故稱陰數焉。

天統乎體。故八變而終於十六。地分乎用。故六變而終於十二。天起於一。而終於七。稊九千五百八十六萬六千一百一十垓。九千九百四十六萬四千八百八十八千四百三十九萬一千九百三十六兆。地起於十

二而終於二百四垓六千九百八十萬七千三百八十一京五千四百九十一萬八千四百九十九兆七百二十萬億也。

體數四屬地。而天統之。八變。四其四。起乾一變而夬。二大有。四小畜。八履。十六同人。至三十二而姤終焉。七稀九千以下。姤數也。用數三。屬天。而地分之。六變。三其四。起小畜。遞變得二。而需。四而泰。六而兌。十二而臨。而終於二十四震焉。二百四垓以下。震數也。變皆生於倍。而遞因之也。

日一位。月一位。星一位。辰一位。日有四位。月有四位。星有四位。辰有四位。四十四有六位。盡此一變。而日月之數窮矣。

四卦各一位。一位各得四。爲十六。日乘月。月乘星。星乘辰。數共五十四。爲一變。五變而豐。當三時。日數震。當三冬日數。合之。朞而日月數窮矣。

天有四變。地有四變。有長也。有消也。十有六變。而天地之數窮矣。日起於一。月起於二。星起於三。辰起於四。衍而伸之。陽數常六。陰數常二十。有二變。而大小